

活人慈航

家藏 小兒科書 目錄

望色審苗竅

面色

唇爪

鼻舌

目神

形體

聲音

問症

小兒救時

決死生

五臟補瀉法

三陰三陽

三焦

藏衣法

初生胎疾

初生不啼

眼不開

目胞赤爛

不乳

吐不止

不小便

不大便

大小便不通

肛門外合

禁口

臍淫臍瘡

臍風

胎瘤

胎赤

初生無皮

吐乳

咽喉

內吊

龜胸

五軟

五疳

五疳

撮口

臍突

胎驚

胎黃

赤遊丹

夜啼

口舌病

天吊


盤腸氣痛

龜胸

五硬

五疳

五疳



驚

驚

癰症

瘰癧症癰

天鈞

驚癰發搐

疳

附勞瘵

吐瀉

震亂

嘔吐

泄瀉

腹痛

疝氣偏墜

積塊

腹脹

水腫

傷風中風傷寒中寒

夾痰

夾食

夾驚

溫病熱病冬溫

風溫溫瘧溫毒溫疫時疫

暑病

淫邪

燥邪

身熱

瘡疾

氣喘

熱目冷目

黃痘

大小便

風痺

咳嗽

癰疹癰痧

失血

自汗盜汗

痿病

治宜瀉強補弱假令女發搐目左視是肝來乘肝肝不能
任故叫哭也當瀉其肺後治其心續治其肝若病在秋
肺旺位當大瀉其肺若病在春晨此肝旺之時向不能
肺是肺強而肝火弱也當補其肝腎大瀉其肺若男發搐
目右視是肝來勝肺而叫哭當瀉其肝心若病在春夏晨
肝心旺時當瀉其肝若病在秋冬日晡此肺旺之時向不能
勝肝是肝強而肺極虛當補其肺大瀉其肝所以言目反
視者乃肝主目也凡搐即是風熱相搏於內風屬肝故外
見於目也今此病男反女症故稍易治於女也先瀉其肺
以瀉白散主之二日不悶亂知病退也後用地黃丸補腎
三服後用瀉青丸導赤散各二服以瀉心肝五日而愈問
曰肺虛反瀉者何也曰假令男目右視木尅金肝旺勝肺
而但瀉肝若更病在春夏金氣極虛當補其肺慎勿瀉也

今見悶亂喘促故反瀉其肺

瀉去肺之實邪則肺自安甯

疳

錢仲陽云諸疳皆脾胃之病內亡津液之所作也因大病或吐瀉後醫又以藥吐下致脾胃虛弱亡失津液且小兒病疳皆愚醫之所壞病假如潮熱是一臟虛一臟實而內發虛熱也法當補母而瀉本臟則愈假令日中發潮熱是心虛熱也肝為心母法宜先補肝肝實而後瀉心心不得母氣則內平而潮熱自愈醫見潮熱妄謂其實乃以大黃朴消單瀉冷藥利之利既多而不能禁則津液內亡漸成疳也又如癖病發作寒熱飲水脇下有形硬痛法當用藥漸消磨之醫反以巴豆硃砂葶藶藥下之小兒易虛易實下之既過胃中津液耗損漸成疳瘦又有病傷寒五六日間有下症以冷藥下之太過致脾胃虛而津液少即便引熱下

止而生熱也熱氣內耗肌肉外消化邪相干症變諸
成疳又有吐瀉久病或醫妄下之其虛益甚津液煩躁亦
能成疳

小兒病瘳由乳食不消伏在腹中乍涼乍熱飲水不止或喘
而嗽與潮熱相類若不早治必成疳勞以其有癖癥則令
兒不食致脾胃虛而發熱故引飲也飲多則蕩滌脾胃亡
失津液不能傳化穀其脈沈細益不能飲食致脾胃虛衰
四肢不舉諸邪遂生羸瘦而成疳

已上有因五臟虛實有因外感時邪有因飲食失調有因悞
治亡津液有因自病亡津液總因津液虛耗則生熱生虫
而羸瘦成疳也與大方陰虛生熱同兒體強壯必不病疳
疳病是因兒體之弱而致也疳病既成便是有熱有虫雖
重亦可治也方書十三歲以前為病疳十五歲以後為病

勞以其天癸已通夫老幼但以晚堅為別其臟腑氣血皆同天癸有滿而自溢之理大方勞瘵亦有熱有虫與瘵病相等或以瘵藥治勞瘵可得愈也

錢仲陽云諸瘵皆依本臟補其母及與治瘵藥冷則木香丸熱則胡黃連丸主之瘵在內目腫腹脹利色無常或沫青白漸瘦弱此冷症也史君子丸主之瘵在外鼻下鼻爛自採鼻頭上有瘡不着痂漸達耳生瘡治瘵金華散肝瘵當補肝地黃丸主之心瘵當補心安神丸主之脾瘵當補脾益黃散主之腎瘵當補腎地黃丸主之大抵瘵病當辨冷熱肥瘦其初病者為肥熱瘵久病者為瘦冷瘵冷者木香丸熱者胡黃連丸冷熱之瘵尤宜如聖丸故小兒之臟腑柔弱不可痛擊大下必亡津液而成瘵凡有可下量大小虛實而下之則不至為瘵也初病津液少者當益胃以津

液白朮散主之惟多則妙

疳病者髮黃成穗肌肉消瘦面色青黃潮熱五心熱尿如米泔肚大堅硬青筋暴露瀉痢腹痛吐虫遍生瘡癬為疳之總症也有心疳肝疳脾疳肺疳腎疳此五臟之疳又有蛔疳疳瀉疳痢疳腫疳渴疳熱疳勞眼疳腦疳鼻疳牙疳脊疳無辜疳暗露疳疔瘰疳此見症之疳幼科以脾土後天為主諸疳必兼脾大方以腎水先天為主勞瘵必兼腎雖異如同

心疳者其症身體壯熱肌肉乾瘦面赤脣紅口舌生瘡時時煩驚盜汗口渴小便赤是也熱甚者黃連導赤散主之煩驚者安神鎮驚丸主之若虛而驚悸日常啼哭羸瘦多驚者宜茯神湯主之

肝疳者其症頭焦髮墜眼睛濇癢腦熱青筋耳瘡流膿頸項

生核是也先清其熱柴胡清肝散次消其疳大蘆薈丸主之

肺疳者其症咳嗽喘逆壯熱惡寒皮上生粟肌膚乾燥毛髮焦枯鼻頰生瘡是也咳嗽氣喘寒熱者宜清肺飲鼻頰生瘡者化虫丸咳嗽氣喘痰難轉者清肺丸久嗽不止宜阿膠補肺湯主之

脾疳者其症面黃肌瘦腹大堅硬腹多青筋好食泥土瀉痢無時或食不消化心下痞硬腹中常痛困倦喜睡是也先服消疳理脾散次服肥兒丸

腎疳者其症面色鵝黑齒根出血足冷骨蒸肌削寒熱時來咽乾口燥喉中生瘡是也宜二聖丸金蟾丸主之

以上五臟疳先以清熱殺虫以去其疳後以滋補津液以復其元心疳安神丸肺疳阿膠散甘露引飲脾疳參苓朮

散肝疳六味地黃丸腎疳六味地黃丸

諸疳皆有虫取虫之法內服去疳之藥外用桃枝四兩柳枝四兩午後煎湯洗浴以青衣蓋覆疳虫當出衣上及眉鬢間如細麵片子或如糝面塵虫色黑者難治黃白色者可治凡服去疳藥後宜此助之出虫

蛔疳者小兒腸胃停蓄甜膩化為蛔虫顰眉多啼嘔吐青沫腹時作痛肚脹青筋唇口紫黑是也先用史君子散蘆薈丸取虫後溫補脾胃小兒內有蛔積每遇時邪所感則蛔不安而上搶腹痛嘔吐身熱雖用打藥其虫不出有風邪故也先服柴葛湯次服蕪荑散痛止然後漸漸打虫屢效

疳渴者因肥甘積熱煎耗脾胃以津液枯竭故不時大渴引

飲心神煩熱速用清熱甘露飲其渴自愈或因久瀉久痢

疳

智止之上

手存記幼科

而致虛渴者宜白朮散代飲即止

疳熱者發熱形瘦多渴飲食不長肌肉毛髮焦枯是也宜醫
甲青蒿飲大蘆薈丸主之每多因時邪不解身熱日久而
漸致羸瘦煩渴者當審表裏而治在表宜多服柴葛湯在
裏宜用大柴胡湯

疳勞者潮熱往來五心煩熱手足心熱及胸前熱盜汗骨蒸
喘嗽羸瘦髮焦發瘡是也或渴而又瀉飲水惡食肚硬如
石面色如銀則斷不可活疳勞壯熱形瘦宜雞內煎丸疳
勞咳嗽有汗宜清肺丸地黃煎若身熱無汗脉緊數口乾
小便白咳嗽日久羸瘦乃時邪日久鬱入經絡則熱消肌
肉但用柴葛湯得汗則愈

疳瀉者毛乾昏白額上青紋肚脹腸鳴泄下糟粕是也石壁
經云疳瀉因飲食不慎或食交乳致然腹中有片子如

雞子又如二三指所以作瀉糞出如糟毛髮硬面無光
青黃色多反視當分水穀乃須溫和藥和氣則愈若藥熱
則作腫而死宜醫宗和中湯主之疳瀉能食者有虫有熱
肥兒丸主之瀉不止吳茱散主之目腫腹脹利色無常或
深青白瘦弱者為冷疳史君子丸主之疳瀉每多因感時
邪三陽合病下利治不如法瀉久羸瘦髮焦又有感風邪
風入肝臟久風則飧泄日久羸瘦髮焦但以小便白口中
燥身有熱是也并宜多服化風丹屢驗

疳痢者夾受風寒暑溼或冷熱不調或停積宿滯水穀不聚
頻下惡物或赤或白裏急後重是也若腹中痛得痢痛減
者宜導滯湯痢不止加減黃連丸肥兒丸身熱口乾佐以
化風丹

湯氏云治休息痢及痢病遷延日月百藥俱試飲食不妨便

痢不止用雞蛋一枚去破鎔黃臘如指大以雞蛋和炒空心食百醫百效無不獲安

疳腫脹者多因傳化失宜脾肺二傷現症氣逆喘咳胸膈痞悶肚腹腫脹面虛光浮手足水腫是也宜五子五皮湯茯苓導水湯神效若但肚腹脹硬青筋現露則宜消疳理脾散主之

眼疳聖惠云肝開竅於目目者肝之候小兒內有疳氣肌體羸瘦而臟腑更夾風熱壅滯不得宣通因其飲食失調胸膈痰結邪熱之氣上攻於目則令腦熱雙目癢澁難開或赤爛生瘡或生翳膜漸漸遮睛不時流淚羞明閉目也先用瀉肝散次用清熱退翳湯若翳膜不開用家傳十積散屢驗

鼻疳聖惠云肺開竅於鼻鼻者肺之候小兒乳食不節小兒

夾邪壅熱今疳虫上蝕於鼻也其症鼻中赤癢以帝
皮毛乾焦肌肉消瘦咳嗽上氣時或下利鼻下連唇上瘡
赤爛是也宜五福化毒丹及化虫丸主之外用金華散敷
貼又方用苦楝葉為末敷一切疳虫瘡甚效

腦疳者兒素受風熱又兼乳食失調以致變生此症頭皮先
急腦生餅瘡腦熱如火髮結如穗徧身多汗顯腫顛高是
也宜龍胆丸主之按此或用防風通聖散佐以蘆薈丸以
治上焦

牙疳又名走馬牙疳因熱毒攻胃而成其症齦肉赤爛疼痛
口臭血出牙枯脫落穿腮蝕唇病勢危急急用消疳蕪荑
湯瀉其毒熱次以大蘆薈丸清其餘熱外用牙疳散時時
敷之自愈總之此症必胃強能食堪勝攻藥始有生機否
則難治也

脊疳者因積熱生虫上蝕脊脊也以手擊其背必空若鼓鳴脊骨羸瘦狀若鋸齒始為脊疳外症亦身熱下利煩渴十指皆瘡頻咬爪甲其症最為可畏宜蘆薈丸金蟾散主之隨時調治或可愈也

無辜疳者因乳母七情鬱結傳染小兒以致此疾非小兒自病故曰無辜其症頸項生瘡或生結核如彈按之轉動軟而不疼其中有虫如米粉不速破之使虫蝕臟腑便利膿血身體羸瘦面黃發熱也先宜清其熱柴胡飲主之再消其疳大蘆薈丸主之其核破去虫以膏貼之

丁奚者遍身骨露其狀似丁故名丁奚其症肌肉乾澁啼哭不已手足枯細面色紫黑項細腹大臍突尻削骨蒸潮熱煩渴也此疳傷脾腎極危之候宜五疳消積丸化其疳參苓白朮散補其脾病可漸愈矣